



Broj: 05 – 036 – 274 /17
Sarajevo, 14.09. 2017. godine

Na osnovu člana 70. Zakona o organizaciji organa uprave u F BiH („Sl. novine F BiH“ br. 35/05) a u vezi sa članom 70. stav (1) i stav (3) Zakona o javnim nabavkama Bosne i Hercegovine („Sl. glasnik BiH“ br.39/14), nakon provedenog Otvorenog postupka a na osnovu Izvještaja i Preporuke Komisije za javnu nabavku br. 03-033- 1031/17 od 12.09.2017. godine, Direktor Zavoda za izgradnju Kantona Sarajevo,

donosi

ODLUKU

o poništenju postupka

1. Poništava se postupak dodjele ugovora za usluge *“Provođenju istražnih radova, izradu geotehničkog elaborata, izradu Glavnog projekta sanacije i projekta monitoringa klizišta lokalitet Uglješići-Put, Općina Vogošća Sarajevo”* u skladu sa članom 69. stav (2) tačka d) Zakona o javnim nabavkama („Službeni glasnik BiH“ br. 39/14), jer nijedna od primljenih ponuda nije prihvatljiva.
2. Ova odluka objavit će se na web-stranici <http://zik.ks.gov.ba> Zavoda za izgradnju Kantona Sarajevo istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Obrazloženje

Na osnovu Odluke o pokretanju postupka javnog nadmetanja broj: 05-036-222/17 od 01.08.2017.godine Zavod za izgradnju Kantona Sarajevo je pokrenuo Otvoreni postupak, pripremio tendersku dokumentaciju i objavio Obavještenje o nabavci broj: 285-1-2-63-3-70/17 na portalu javnih nabavki, te obavještenje u „Sl. glasniku BiH“ br. 56/17 od 04.08.2017. godine, za *“Provođenju istražnih radova, izradu geotehničkog elaborata, izradu Glavnog projekta sanacije i projekta monitoringa klizišta lokalitet Uglješići-Put, Općina Vogošća Sarajevo”*.

Na osnovu objavljenog Obavještenja putem Otvorenog postupka, tendersku dokumentaciju preuzeli su: „Design & QC“ d.o.o. Sarajevo, „Georad“ d.o.o. Tuzla i „Winner project“ d.o.o. Sarajevo, Građevinski fakultet Univerziteta u Sarajevu „Institut za geotehniku i geologiju“ i „GeoAVAS“ Sarajevo.

Iz Izvještaja Komisije je vidljivo da se Komisija *sastala dana 06.09.2017.godine, radi preuzimanja i otvaranja ponuda za “Provođenju istražnih radova, izradu geotehničkog elaborata, izradu Glavnog projekta sanacije i projekta monitoringa klizišta lokalitet Uglješići-Put, Općina Vogošća Sarajevo” koju u su podnijeli ponuđači: „Georad“ d.o.o. Tuzla, Građevinski fakultet Univerziteta u Sarajevu „Institut za geotehniku i geologiju“ i „Design & QC“ d.o.o. Sarajevo.*

Komisija je otvorila ponude svih ponuđača i iz „Obrasca za cijenu ponude“ i „Obrasca za ponudu“ pročitala ponuđenu cijenu ponuda, dok su rokovi izrade usluge, uslovi i način plaćanja bili zadati tenderskom dokumentacijom. Ostale dokumente na javnom otvaranju ponuda Komisija nije pregledala. Na otvaranje ponuda nije bilo prisutnih predstavnika ponuđača.

Komisija se ponovo sastala dana 11.09. i 13.09.2017.godine radi pregleda priloga iz dostavljenih ponuda, odnosno da bi utvrdila da li su ponuđači ispunili uslove iz člana 45. do 51. Zakona o javnim nabavkama BiH („Službeni glasnik BiH“ br. 39/14), kao i utvrdila da li su ponuđači dostavili tehnički zadovoljavajuće ponude u skladu sa zahtjevima iz tenderske dokumentacije i da li su kvalifikovani za vršenje predmetnih usluga.





Komisija je konstatovala slijedeće:

- Uvidom u ponudu ponuđača „Georad“ d.o.o. Tuzla Komisija je konstatovala slijedeće:
 - Ponuđač je u svojoj ponudi za predložene kandidate dostavio kopije diploma i uvjerenja o položenom stručnom ispitu, ali je ispustio da dostavi CV i kopiju matične evidencije uposlenih kao dokaz, kako je to traženo tačkom 13.4. b) Tenderske dokumentacije koja se odnosi na Tehničku i profesionalnu sposobnost - Član 48-51 Zakona o javnim nabavkama.
 - Ponuđač je u svojoj ponudi dostavio za laboratoriju Certifikat o akreditaciji „Bata“ sa rokom važenja do 30.08.2017 godine, te je Komisija konstatovala da je rok važenja certifikata istekao i da ponuđač nezadovoljava tačku 13.4. stav e) (Prilog 06) Tenderske dokumentacije u kojoj je naglašeno „...potrebno je dostaviti sporazum o angažovanju/iznajmljivanju sa važećom dozvolom izdatom od nadležne institucije“.
 - Ponuđač nije upisao jedinične cijene u Predmjeru radova - Troškovnik (Prilog 09) u stavkama 14, 15, 16 i 17, te nije ispunjen uslov iz tačke 14. i) Tenderske dokumentacije gdje je jasno naznačeno „Predmjer – troškovnik treba biti ispunjen i ovjeren za kompletnu specifikaciju sa jediničnim cijenama u KM, za sve stavke troškovi, bez dopuna, jer će ponude koje nisu popunjene na taj način isključiti iz postupka dodjele ugovora.“

Zbog svega gore iznesenog Komisija je zauzela stav da se ponuda ponuđača „Georad“ d.o.o. Tuzla **odbaci** u skladu sa članom 68. Stav (4), tačka i) Zakona o javnim nabavkama BiH („Službeni glasnik BiH“ br. 39/14)

- Uvidom u ponudu ponuđača Građevinski fakultet Univerziteta u Sarajevu „Institut za geotehniku i geologiju“ Ponuđač nije upisao jedinične cijene u Predmjeru radova - Troškovnik (Prilog 09) u stavkama 15, 16 i 17, te nije ispunjen uslov iz tačke 14. i) Tenderske dokumentacije gdje je jasno naznačeno „Predmjer – troškovnik treba biti ispunjen i ovjeren za kompletnu specifikaciju sa jediničnim cijenama u KM, za sve stavke troškovi, bez dopuna, jer će ponude koje nisu popunjene na taj način isključiti iz postupka dodjele ugovora.“

Zbog svega gore iznesenog Komisija je zauzela stav da se ponuda ponuđača Građevinskog fakulteta Univerziteta u Sarajevu „Institut za geotehniku i geologiju“ **odbaci** u skladu sa članom 68. Stav (4), tačka i) Zakona o javnim nabavkama BiH („Službeni glasnik BiH“ br. 39/14)

- Uvidom u ponudu ponuđača „Design & QC“ Sarajevo Komisija je konstatovala da je ponuđač u svojoj ponudi u Obrascu za dostavljanje ponude u tački 5. koja se odnosi na rok važenja ponude upisao datum 06.09.2017.godine, koji ustvari predstavlja datum otvaranja ponude, a ne datum važenja ponude nakon 90 dana. S tim u vezi ponuđač nije ispunio uslov iz tačke 23. Tenderske dokumentacije (Rok važenja ponude) gdje je jasno naglašeno „U slučaju da je period važenja ponude kraći od roka navedenog u tenderskoj dokumentaciji, ugovorni organ će odbiti takvu ponudu u skladu sa članom 60. Stav (1) Zakona“. Komisija je takođe konstatovala da je Nacrt ugovora (Prilog 10) koji je priložen u ponudi djelimično popunjen, tj. nije popunjen na način kako je traženo tačkom 14. stav j) „potpisan prijedlog ugovora“ odnosno tačkom 27. Tenderske dokumentacije u kojem je naznačeno „Ponuđači su dužni uz ponudu dostaviti Nacrt ugovora u koji su unijeli podatke iz svoje ponude....“.

Zbog svega gore iznesenog Komisija je zauzela stav da se ponuda ponuđača „Design & QC“ d.o.o. Sarajevo **odbaci** u skladu sa članom 60. Stav (1) i članom 68. Stav (4), tačka i) Zakona o javnim nabavkama BiH („Službeni glasnik BiH“ br. 39/14).





Komisija je dala Preporuku Ugovornom organu da se ponude ponuđača „Georad“ d.o.o. Tuzla, Građevinski fakultet Univerziteta u Sarajevu „Institut za geotehniku i geologiju“ i „Design & QC“ d.o.o. Sarajevo odbace u skladu sa članom 68. stav (1) i stav (4) tačka i) Zakona o javnim nabavkama BiH („Službeni glasnik BiH“ br. 39/14), i u skladu sa članom 69. stav (2) tačka d) Zakona o javnim nabavkama BiH („Službeni glasnik BiH“ br. 39/14) poništi postupak javne nabavke za *“Provođenje istražnih radova, izradu geotehničkog elaborata, izradu Glavnog projekta sanacije i projekta monitoringa klizišta lokalitet Uglješći-Put, Općina Vogošća Sarajevo”*

Shodno navedenom Ugovorni organ je prihvatio Preporuku Komisije i donio Odluku kao u dispozitivu.

POUKA O PRAVNOM LIJEKU:

Protiv ove Odluke svaki od ponuđača može izjaviti žalbu Uredu za razmatranje žalbi putem Ugovornog organa. Žalba se izjavljuje Ugovornom organu, u pisanoj formi i u roku od 10 (deset) dana od dana prijema ove Odluke o izboru najpovoljnijeg ponuđača. Žalba se podnosi u najmanje 3 (tri) primjerka.

Naknada za pokretanje žalbenog postupka iznosi **500,00 KM** a uplata iste se vrši u skladu sa Instrukcijom o načinu uplate, kontrole i povrata taksi Ministarstva finansija i trezora BiH.

Prilog:

- Zapisnik o ocjeni ponuda

DOSTAVITI :

1. „GEORAD“ d.o.o. Tuzla
2. „Design & QC“ Sarajevo
3. „Institut za geotehniku i geologiju“ GF Sarajevo

